



ROZSAHŁY RĚKA

č. 39

- a) daloko sahacy, rumny
- b) wysoko zrosćeny, zróstny
- c) tołsty, nabubnjeny

Prawa je wotmołwa **a**.

Rozsahły praji so zwjetša wo přestrjeni, kotraž je chětro wulka abo daloko saha. Hdyž so wo morju rěči, wužiwamy adjektiv šěroki: Podachmy so na šěroke morjo.

Takle móžeš tež prajić:

- rumny, wobšěrny, šěroki, daloki

Příklady z rěčneho korpusa:

Hišće před 25 lětami běchu tule, na kromje města, pod zemju wuhlo wudobywali. Mjeztym je *rozsahły* teren wonu změnu přešoł, kotraž steji jako moto nad projektom RUHR. 2010 (...). (Serbske Nowiny 2010)

Najwoblubowaniši a najznaćiši Mišnjanski biskop je swjaty Beno.

Sydomapjećdžesaćlětny přewza wón 1066 na štyrceći lět nawod *rozsahłeho* biskopstwa. (Rozhlad 1994)

Nawječor dojedźechmy do městačka Chantilly před samym Parisom. Na tamnišej *rozsahłej* wubědźowarni koni nas zaměstnichu. (Jan Cyž, Hdyž so młody na puć podaš. Budyšin 1983)